



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Quae Christus contulit Ecclesiae suae, vt habeat certò vsq[ue] ad consummationem s[a]eculi.

urn:nbn:de:hbz:466:1-29452

in Ecclesiæ, quod sunt pro nobis rationem reddituri, & quasi lib. 13. & qui illos audit recta docentes, ipsum Christum audit, cum ait: Qui vos audit, me audit: debemus quoque illis honorem & prouisionem, sicut Apostolus 1. Corinth. 9. & 1. Timoth. 5. ex scriptura Deuteron. 25. probat & latissimè deducit, & Galat. 6. Quare quicunque contemnunt ministros Ecclesiæ, aut eorum autoritatem eleuant, hi Christum ipsum offendunt &c. & luent in inferno pœnam cum multitudine Chore & Abiron, Num. 16.

Tertiò, tribus donis decorauit Christus Ecclesiæ suam: primò, ut in illa sit certa remissio peccatorum, donatio Spiritus sancti, vita æterna: id est extra Ecclesiæ Christi nulla est remissio, neque Spiritus sanctus, neque vita æterna: quare nec iudicetur nec hereticus excommunicatus potest habere vitam æternam, quia extra Ecclesiæ sunt, ubi nulla est absolutio à peccatis. Unde 1. Cor. 5. De his qui foris sunt, iudicabit dominus, quasi dicat, Ecclesia illis non distribuit sacramenta. Habet igitur Ecclesia sacramenta, per quæ certificat recipientem de gratia & remissione peccatorum. Nam sic ordinauit Christus atque mandauit administrari sacramenta: propter quod mandatum Dei, validum & efficaciam habent distributiones sacramentorum, etiamsi vita & mores ministrorum mali sint, modò ritè dispensent, nec sint heretici, &c. Porro Christus ordinauit & dedit Spiritum suum sanctum Ecclesiæ, ut illi assistat, & maneat apud illam in æternum, Ioan. 14. qui cum sit Spiritus veritatis, id est non facit Ecclesiæ errare, & inde dicitur quia Ecclesia non errat, sed hoc non potest intelligi de omnibus membris Ecclesiæ, nam affirmat scriptura, horribiles errores in Ecclesia exorituros. Matth. 24. Surgent pseudoprophetæ, & cætera. Igitur de pijs illis ac vetis Ecclesiæ membris intelligendum, qui recte credunt & viuuant, quos Spiritus sanctus conferbit

AA 4 uabit

uabit etiam in exiguo numero, & hæc Ecclesia propter ipsum Spiritum sanctum dicitur columna veritatis & basis, secundum Apostolum, & illi, ut supra diximus, permixti sunt malis, & non videntur, nam fides non videtur: cognoscuntur tamen fideles, & in hoc Ecclesia est visibilis, ubi est uniformitas prædicationis, Sacramentorum, Cæmoniarum: homines videntur & prælati atque cætera membra, sic Ecclesia oravit pro Petro Actor. 12. licet fides testa sit, nomen ex operibus dinoscitur. Postremo, decorauit Christus Ecclesiam suam constantia, quatenus non deficeret à fide usque ad consummationem mundi. Rogauit, inquit ad Petrum, pro te, ne deficiat fides tua, Luc. 22. & portæ inferorum non præualebunt aduersus eam, Matth. 16. quantumcunque Iudei, Gentes, & haeretici illam debellauerint. Non sic confitit congregatio Iudeorum, gentilium aut hereticorum. Stat pro nobis firma promissio Christi: portæ inferorum, id est, nec peccata vel demon in conscientia aut Iudeus, Turca & cæteri aduersarij, foris: hæc sunt quasi despousalia, quibus Christus sponsam suam acceptam sibi obligauit.

CAPVT IIII.

ARGUMENTA.

1. Quæ & quotuplex sit forma clauium Ecclesiæ.
2. Quibus claves sint concessæ ac mandate.
3. In quantum se extendant.

I,



Oc nomen, clavis, significat potestatem illā, quæ à Christo Ecclesiæ donata est, & ea potestas dicitur clavis. Nam sicut ea quæ claustris sunt obserata vel via, adhibita clave patet & recluduntur, sic conscientiæ peccata abscondita, aperiuntur & liberauntur.